


有部昆柰耶

才十七

三百十七
去七

49922



British Library
Acquisition Department
96 Euston Road
London NW1 2DB
UK

根本說一切有部毗奈耶卷第十七

唐三藏法師

義淨奉

制譯

離三衣學處第二

尔時薄伽梵在室羅伐城逝多林給孤獨園
時諸苾芻多畜三衣隨安居處所得衣財浣
染刺已內衣袋中繫縛使牢寄主人苾芻便
著上下二衣遊行人間既去之後主人苾芻
為彼截舉暴曬開張多有作務遂廢讀誦攝
念思惟省事苾芻便生嫌賤咸作是語如何
苾芻多畜長衣妨他正業時諸苾芻以此因
緣具白世尊世尊以此因緣集苾芻眾為諸
苾芻讚歎少欲杜多正行告諸苾芻我觀中

利廣說如前爲諸苾芻制其學處應如是說
若復苾芻作衣已竟羯耻那衣復出於三衣
中離一一衣界外宿下至一夜泥薩祇波逸
底迦

佛在王舍城竹林中住是時具壽大迦葉波
亦住此城西戶迦窟此時僧伽同一袈灑陀
界時諸苾芻至十五日袈灑陀時並皆現集
惟待大迦葉波待大迦葉波從窟發來路經
賢雨河遇河瀑長渡水之時大衣被濕便綏
去水曬曝時乾遂便晚至往袈灑陀處於大
衆中就座而坐時諸苾芻白迦葉波曰我等
諸人至袈灑陀日並已詳集惟待尊者何故

晚來時具壽大迦葉波對大眾中具述前事
我迦葉波年邁衰老大衣厚重擎負誠難為
斯來晚我今不知其事如何時諸苾芻以此
因緣具白世尊佛言汝諸苾芻應與大迦葉
波苾芻年邁衰老作不離僧伽胝羯磨若更
有餘如是流類應如是與鳴健稚集眾已下
至四人得為作法時迦葉波苾芻隨其大小
為敬事已在上座前蹲踞而坐合掌作如是
白大德僧伽聽我迦葉波苾芻年邁衰老今
從眾僧乞不離僧伽胝法唯願僧伽與我迦
葉波苾芻年邁衰老不離僧伽胝法慈愍故
如是三說時諸苾芻應作白羯磨

廣如百一羯磨中具述

若其僧伽與彼苾芻作不離僧伽毘法已應
著上下二衣人間遊行勿致疑惑是時舍利
子亦在此會坐便白諸苾芻曰我有風患僧
伽毘重不能擔荷其欲如何諸苾芻聞已白
佛佛言汝等應與舍利子為有風患作不離
僧伽毘法若更有餘如是流類如常集眾乃
至四人應入眾乞准迦葉波乞法及羯磨應
作既得法已同前遊行

今時世尊讚歎持戒少欲知足杜多功德為
最端嚴告諸苾芻曰前是創制後是隨開為
諸苾芻制其學處應如是說

若復苾芻作衣已竟羯耻那衣復出於三衣

中離一一衣界外宿下至一夜除衆作法泥
薩祇波逸底迦

衣已竟羯耻那衣復出有四句差別廣如前
說言離一一衣者於僧伽胝唄咀羅僧伽安
咀婆娑三衣之中離一一衣異界而宿乃至
明相出除僧羯磨泥薩祇波逸底迦此犯捨
物同前作法此中犯相其事云何

攝頌曰

一二多舍村

墻籬塹圍繞

伎樂外道舍

鋪店及樓場

堂車船林樹

皆有四不同

於四威儀中

護衣應善識

有一舍村二舍村多舍村墻圍村籬圍村塹

圍村一村有一勢分有多勢分多村有一勢分有多勢分一家有一勢分有多勢分多家有一勢分有多勢分如是應知若伎樂家外道家若鋪店樓及場堂車船林樹皆有一多勢分四種不同

云何一舍村謂山野人同居一舍此齊幾何是其勢分謂盡舍內外有一尋又復齊其春擣炒磨食噉飲食聚會之處亦名勢分若苾芻衣在舍中身居勢分或衣居勢分身舍中明相出時此無有犯若置衣舍內及勢分中身居異處乃至明相未出已來得惡作罪明相出時得泥薩祇波逸底迦一舍既尔二

舍亦然云何多舍村謂村內人家門無次第
聊亂而住此齊幾何名爲勢分爲異爲同荅
此村無勢分有異無同離衣分齊據家爲准
云何墻圍村謂村四面以墻圍繞此齊幾何
名爲勢分謂盡墻內外有一尋又復齊其雞
飛墜處又齊懷慙媿人便利之處是其勢分
餘如前說云何籬圍村謂村四面以籬圍繞
此齊幾何名爲勢分謂盡籬內外有一尋又
復齊其十二肘梯所及之處又齊六牛竹車
迴轉之處是其勢分云何塹圍村謂村四面
以塹圍繞此齊幾何名爲勢分謂盡塹內外
有一尋又復齊其牛羊足塵所及之處又齊

棄糞掃時麓大甑石所及之處是其勢分云
何一村有一勢分謂於此村有一園林一神
廟衆集之處是謂一村有一勢分此齊幾何
名爲勢分謂盡園林外有一尋又復齊其春
擣炒磨食噉飲飲食聚會之處是其勢分云何
一村有多勢分謂於此村有多園林多神廟
衆集之處是謂一村有多勢分此齊幾何名
爲勢分爲異爲同答此無勢分但齊室中說
云何多村有一勢分謂此多村有一園林一
神廟衆集之處是謂多村有一勢分此齊幾
何名爲勢分村中並是外各一尋又復齊其
春擣炒磨食噉飲飲食聚會之處亦名勢分云

何多村有多勢分謂此多村有多園林多神廟衆集之處是謂多村有多勢分此齊幾何名爲勢分爲異爲同答此無勢分餘並如前云何一家有一勢分謂此家中惟一家長兄弟不分是謂一家有一勢分事並同前一舍村說云何一家有多勢分謂此家中有多家長兄弟分別是謂一家有多勢分此齊幾何名爲勢分謂齊門來更無勢分云何多家有一勢分謂諸家中惟一家長兄弟不分是謂多家有一勢分云何多家有多勢分謂此諸家有多家長兄弟分別此齊幾何名爲勢分何共何別答此無勢分云何一伎樂家有一

勢分謂此家中有一家長兄弟不分是謂一
家有一勢分此齊幾何名爲勢分宅中揔是
外有一尋又復齊其安置竽鼓琵琶簫笛撩
理供具聚會飲食處來亦是勢分云何一伎
樂家有多勢分謂此家中有多家長兄弟分
別是謂一家有多勢分此齊幾何名爲勢分
何共何別別謂據彼兄弟所居分齊共謂安
置幡竿處來云何多伎樂家有一勢分謂此
諸家惟一家長兄弟不分是謂多家有一勢
分此齊幾何名爲勢分宅中揔是外有一尋
又復齊其安置竽等並名勢分云何多伎樂
家有多勢分謂此諸家有多家長兄弟分別

此齊幾何名爲勢分何共何別答此無勢分
云何一外道家有一勢分謂此家中同一見
解無別意趣此之勢分宅中揔是外有一尋
又齊曬曝牛糞安置柴薪衣服軍持祠祀篋
杓火鑪呪祭春擣飲食聚會處來云何一外
道家有多勢分謂此家中有多見解意趣不
同此之勢分何共何別謂齊天祠云何多外
道家有一勢分謂諸家中同一見解無別意
趣此之勢分宅中揔是外有一尋又齊曬曝
牛糞等處云何多外道家有多勢分謂此諸
家有多見解意趣不同此之勢分何共何別答
此無勢分云何一鋪有一勢分謂此鋪中有

一家長兄弟不分此之勢分中間揔是外有
一尋又齊安置貨物計稱量度交易之處云
何一鋪有多勢分謂此鋪中有多家長兄弟
分別此之勢分何共何別謂交易坐床云何
多鋪有一勢分謂此諸鋪惟一家長兄弟不
分此之勢分中間揔是外有一尋又齊安置
貨物等處云何多鋪有多勢分謂此諸鋪有
多家長或兄弟分別此齊幾何是其勢分何
共何別答此無勢分
云何一店有一勢分謂此店中有一家長兄
弟不分此之勢分中間揔是外有一尋又齊
安置小麦大麦油麻小豆粟米粳米劫貝絲

綿衣裳等物計稱量度交易之處

云何一店有多勢分謂此店中有多店主或兄弟分別此齊幾何是其勢分何共何別謂著物板床處云何多店有一勢分謂此諸店唯一店主兄弟不分此之勢分中間揔是外有一尋又齊安置麥豆等物云何多店有多勢分謂此諸店有多店主或兄弟分別此齊幾何是其勢分何共何別答此無勢分云何一樓有一勢分謂此樓中有一樓主兄弟不分此之勢分中間揔是外有一尋又齊聚會飲食處來云何一樓有多勢分謂此樓中有多樓主或兄弟分別此齊幾何是其勢分何

共何別謂安置梯處云何多樓有一勢分謂
此諸樓有一樓主兄弟不分此之勢分中間
揔是外有一尋聚會飲食云何多樓有多勢
分謂此諸樓有多樓主或兄弟分別此齊幾
何是其勢分何共何別答此無勢分云何一
場有一勢分謂此場中有一場主兄弟不分
此之勢分中間揔是外有一尋安置穀麥筐
斗之處云何一場有多勢分謂此場中有多
場主或兄弟分別此齊幾何是其勢分何共
何別謂場界畔云何多場有一勢分謂此諸
場有一場主兄弟不分此之勢分中間揔是
外有一尋安置穀麥云何多場有多勢分謂

此諸場有多場主或兄弟分別此齊幾何是
其勢分何共何別答此無勢分云何一堂有
一勢分謂此堂中有一堂主兄弟不分此之
勢分中間揔是外有一尋謂繫牛馬處剉草棄
糞所及之處云何一堂有多勢分謂此堂中
有多堂主或兄弟分別此齊幾何是其勢分
謂到門內云何多堂有一勢分謂此諸堂有
一堂主兄弟不分此之勢分中間揔是外有
一尋謂繫牛馬處剉草棄糞所及之處云何多
堂有多勢分謂此諸堂有多堂主或兄弟分
別此齊幾何是其勢分何共何別答此無勢
分云何一車有一勢分謂此一車有一車主

兄弟不分此之勢分謂駕車行任中間揔是
外有一尋食噉飲食繫牛剉草棄糞及處云
何一車有多勢分謂此一車有多車主或兄
弟分別此齊幾何是其勢分謂齊車軛何共
何別共謂軛處云何多車有一勢分謂此諸
車有一車主兄弟不分此之勢分謂駕車行
處云何多車有多勢分謂此諸車有多車主
或兄弟分別此齊幾何是其勢分何共何別
答此無勢分云何一船有一勢分謂此一船
有一船主兄弟不分此之勢分謂船行任中
間揔是外有一尋謂繫船處食噉飲食云何
一船有多勢分謂此一船有多船主或兄弟

分別此齊幾何是其勢分謂齊船邊云何多
船有一勢分謂此諸船有一船主兄弟不分
此之勢分謂船行住云何多船有多勢分謂
此諸船有多船主或兄弟分別此齊幾何是
其勢分何共何別答此無勢分云何一林有
一勢分謂此林中有有一林主兄弟不分此之
勢分謂此林內中間揔是外有一尋又復齊
其採華之處食噉飲食云何一林有多勢分
謂此一林有多林主或兄弟分別此齊幾何
是其勢分謂齊井來云何多林有一勢分謂
此諸林有一林主兄弟不分此之勢分中間
揔是外有一尋採華及處云何多林有多勢

分謂此諸林有多林主或兄弟分別此齊幾
何是其勢分何共何別此無勢分云何一樹
有一勢分謂枝葉交密所及之處中間揔是
外有一尋又於五月日正中時樹影及處若
無風時華葉菓子墮落之處及天雨時水滴
及處云何一樹有多勢分謂樹枝葉踈散不
交此齊幾何是其勢分何共何別謂是齊樹
根云何多樹有一勢分謂此諸樹枝葉相交
覆所及處中間揔是云何多樹有多勢分謂
此諸樹各各相離枝葉不交此齊幾何是其
勢分何共何別苾芻有犯無犯尔時具壽鄒
波離白佛言世尊大德若苾芻行任坐卧時

齊幾許來是離衣勢分佛言如生聞婆羅門
種菴沒羅樹相離七尋華菓茂盛此七樹間
有四十九尋齊此已來是行苾芻不失衣分
齊過此便失若住坐卧時但一尋內若二界
中間卧時衣角不離身來是其勢分若苾芻
離衣宿應為三事犯不犯文並如前說

一月衣學處第三

佛在室羅伐城給孤獨園時諸苾芻多畜衣
有得青衣不即作衣但知舉畜更望餘者若
得如是相似之物我當作衣如青旣然黃赤
白衣及得厚薄亦皆貯畜時少欲苾芻共生
嫌賤云何苾芻多畜衣物積而貯畜不肯作

衣時諸苾芻以此因緣具白世尊佛以此緣具問諸苾芻諸苾芻言實今世尊訶責廣說如前我觀十利為諸聲聞弟子於毗柰耶制其學處應如前說

若復苾芻作衣已竟羯耻那衣復出得非時衣欲須應受受已當疾成衣若有望處求令滿足若不足者得畜經一月若過者泥薩祇波逸底迦

若復苾芻衣已竟羯耻那衣已出有四句廣如前說言得非時衣者何者是時何者非時若住處不張羯耻那衣者一月謂從八月十六日至九月十五日若住處張羯耻那衣者

五月謂從八月十六日至正月十五日。是名時餘名。非時。若有望處者。謂衣少。更求得。畜一月者。謂有望處於父母兄弟姊妹師王等處。當與我衣。若五年會。若六年會。若頂髻會。若盛年會。我當得衣。若足者。善。若三衣隨一不足者。得齊一月。若過畜者。泥薩祇波逸底迦。廣如前說。此中犯相其事云何。

攝頌曰

有望無望處

望斷不同衣

新故糞掃殊

條數肘量等

若苾芻月一日得少青色衣。未作而畜。有希望處。若得如是同色衣時。我當作衣。即於是

日得同色衣彼苾芻於十日內作衣應持應捨應作法若不持不捨不作法至十一日明相出泥薩祇波逸底迦

若苾芻一日不得餘衣二日方得衣三日得衣乃至十日得衣彼苾芻於十日內作衣應持應捨應作法若不持不捨不作法至十一日明相出泥薩祇波逸底迦

若苾芻十日不得餘衣十一日不得十二日不得乃至十九日不得衣二十日方得餘衣即應如前作法若不作法犯捨墮

若苾芻二十一日不得餘衣乃至二十九日得餘衣三十日內作衣應持應捨應作分別

若不持不捨不作分別三十日明相出涅槃祇波逸底迦由前得衣相染續故如得青色衣既尔得餘色衣事皆同此

若苾芻一日得青色衣不作而畜無別望處便作是念若得如是同色衣者我當作衣即於是日得同類衣時苾芻於十日內作衣應持應捨應作分別若不作法者至十一日明相出時涅槃祇波逸底迦若一日不得餘衣二日得衣乃至三十日得衣廣如前說如得青色衣既尔得餘色衣等事皆同此

若苾芻一日得青色衣不作而畜有希望處然希望處時節長遠不稱所求無力能得或

於是日得青色衣於十日內應作衣如是廣說乃至三十日方得餘色衣事同前說若苾芻一日得青色衣不作而畜有希望處其所望處雖未得衣心不斷絕或於是日得青色衣如前廣說若苾芻一日得青色衣不作而畜情有希望若所望處皆斷絕者彼苾芻所得之衣於十日內應持應捨如前廣說尔時具壽鄔波離白佛言大德有幾種衣佛言有二種一新二故新謂新織故謂曾經四月著用鄔波離復有五種衣一有施主衣二無施主衣三往還衣四死人衣五糞掃衣云何有施主衣謂有女男半擇迦爲其施主云

何無施主衣謂無女男半擇迦爲其施主云
何往還衣如有死人眷屬哀念以衣贈送置
於屍上送至燒處旣焚葬已還持此衣奉施
僧衆云何死人衣於屍林中死者餘衣無主
攝受云何糞掃衣此有五種云何爲五一道
路棄衣二糞掃處衣三河邊棄衣四蟻所穿
衣五破碎衣復有五種一火燒衣二水所漬
衣三鼠啣衣四牛嚼衣五姪母棄衣
若苾芻得新衣欲作衣者應浣染裁縫兩重
爲僧伽胝兩重爲尼師壇一重爲唄𠵼羅僧
伽一重爲安咀婆娑若苾芻二重爲僧伽胝
時若欲更著第三重者怙時得惡作罪至十

一日明相出時便犯捨墮若苾芻於新僧伽
胝擿去舊裏擬將別用擿時得惡作罪至十
一日明相出便犯捨墮若苾芻於新僧伽胝
擿去其裏浣染縫治還欲安此者無犯至十
一日明相出時不安了者得泥薩祇如僧伽
胝旣然於尼師壇事皆同此若苾芻有新唄
咀羅僧伽怙第二重怙時得惡作至十一日
明相出時便犯捨墮安旦婆娑娑亦復如是若
苾芻得故衣欲作衣者應浣染裁縫四重爲
僧伽胝四重爲尼師壇兩重爲唄咀羅僧伽
及安旦婆娑娑若苾芻於二重唄咀羅僧伽及
安旦婆娑娑若欲更著第三重者怙時得惡作

罪十一日明相出時犯捨墮罪若苾芻於此
重衣若欲擿去或安不安有犯無犯廣如上
說若苾芻得有主衣無主衣往還衣死人衣
准其新故重數應知若糞掃衣時隨意重數
作無齊限

亦時具壽鄔波離白佛言大德僧伽祇有幾
種條數云何佛告鄔波離有九種別云何爲
九謂九條十一條十三條十五條十七條十
九條二十一條二十三條二十五條鄔波離
初三種衣二長一短次三種衣三長一短次
三種衣四長一短應作應持過此已上便成
破納鄔波離白佛言大德衣之大小有幾差

別佛言僧伽胝有三謂上中下上者豎三肘
橫五肘下者豎二肘半橫四肘半二內名中
若唄咀羅僧伽及安咀婆娑娑亦有三種謂上
中下量如僧伽胝說鄔波離復有二種安咀
婆娑豎二橫五豎二橫四若極下安咀婆娑
但蓋三輪是持衣中最小若泥薩祇衣最極
小者但齊從橫一肘若苾芻犯捨墮應爲三
事廣如上說又無犯者最初犯人或癡狂心
亂痛惱所纏

使非親尼浣故衣學處第四

今時菩薩從覩史天下託生劫比羅城淨飯
王家于時四方有大名稱云釋迦族生太子

在雪山邊分琿河側劫比羅仙人所住之處
去斯不遠有婆羅門仙人名阿私多善解占
相王召觀察授記有二種瑞若在家者爲轉
輪王化四天下爲大聖主七寶具足所謂輪
寶象寶馬寶珠寶女寶主藏臣寶主兵臣寶
千子圓滿有大威力勇健無雙能降怨敵盡
斯大地窮四海邊無諸盜賊亦無酷罰以法
理人安隱而住若出家者剃除鬚髮以正信
心從家至非家當得成佛應正徧知名聞十
方弘濟群品是時所有諸國大王皆悉聞知
釋迦太子生在雪山乃至名聞十方弘濟群
品各作是念我今宜往承事太子當於後時

受其福祿又作是念今我無緣能見太子若
我承事淨飯王者即爲承事太子身也時諸
國王咸皆遣使并持國信至淨飯王所後時
菩薩養在深宮年漸長大由見老病死故心
懷憂惱遂往林中屏棄人事時諸國王聞是
事已咸作斯念我今所以事淨飯王者意事
太子而今太子旣往林中情求出離我今何
事徒爲費損於是使人及諸國信悉皆斷絕
時憍薩羅國勝光大王與淨飯王國界隣近
信物雖絕使尚往還於時時遣使相問所
遣使人是國大臣名曰密護是時密護至淨
飯王所論國事已便於大臣卽隨夷舍而爲

停止若淨飯王遣使往問勝光王時使遣大
臣鄔陀夷往時鄔陀夷至室羅伐城見勝光
王論王事已於密護舍而爲停止時密護有
婦名曰笈多顏貌端嚴人所樂見是時鄔陀
夷便與笈多共行非法時彼密護聞婦與鄔
陀夷私有交密便作是念此二惡人當斷其
命後更思念我若殺者擾亂王城爲大驚怖
如何爲此罪過婦女殺婆羅門耶即便捨而
不問後於異時密護身死時勝光王以無子
故所有資財收入王庫時鄔陀夷聞斯事已
便作是念我今存在如何令彼笈多無所憑
託便於夜中思利害事曉便往詣淨飯王所

作如是白王與勝光王國界隣接見有如是
不穩便事應遣使人往彼籌度若不問者當
招禍敗王便報曰若如是者卿當爲使往彼
商量時鄔陁夷即便往詣室羅伐城作如是
念我今爲當先見大王先見臣耶作是念已
復更思量求事之法理從下起即便往至國
大臣所陳其本意云我啓王欲取笈多幸願
仁恩助我言及大臣聞已然可其事時鄔陁
夷即便詣勝光王所共論國事即白王曰幸
願大王賜與停處王曰卿已曾來何處停止
白言我先停在密護之舍王曰今者宜應還
停彼處便白王曰密護身死王曰家主雖死

宅豈死耶。鄔陁夷曰：宅雖不死，產業皆無。王命臣曰：可覓停處安鄔陁夷。鄔陁夷出，巴臣白王曰：豈鄔陁夷更無停處？然被先與笈多交通，本意緣斯欲為啓白王。今若能攝受此人，即是攝受淨飯王矣。時勝光王即令使者命鄔陁夷至，便告之曰：鄔陁夷，我實不知卿與笈多先有交密。今以笈多與卿為婦，宅及財物亦並相供。時鄔陁夷拜謝而去。是時笈多聞鄔陁夷來詣其舍，即出當門大聲啼哭。鄔陁夷至門，問笈多曰：何意啼泣？笈多報曰：我之所愛，夫主身亡，仁豈於今亦當棄我？鄔陁夷曰：我本相為而來，至此已白王訖。汝及

家資悉皆相與汝爲此任爲向劫比羅城笈
多自念我今若往劫比羅者婆羅門婦不存
我命我今宜應留任於此於其本宅是時卽
隨夷便有兩宅一在劫比羅一在室羅伐城
尔時菩薩於六年中一無所有修苦行已後
便隨意欲受上妙飲食即以飯食及諸酥油
徧塗身體以暖湯水而爲沐浴遂便往詣勝
軍聚落二牧牛女所一名歡喜二名喜力受
十六倍乳糜飽足食已復詣善行男子所取
吉祥草時黑龍王讚歎菩薩向菩提樹下手
自布草不令聊亂跏趺而坐端身正意心念
口言若我諸漏未斷盡者我終不解此跏趺

坐是時菩薩未解跏趺衆惑皆盡

亦時世尊降伏三十六億魔軍兵已證一切
智受梵王請往婆羅痾斯三轉十二行法輪
度五苾芻及以隨五苾芻已即便行詣白疊
林中度六十賢部令住見諦又至勝軍聚落
度二牧牛女亦令見諦又至烏盧頻螺林側
度千外道出家受具又至伽耶山頂現三神
變教化令住安隱涅槃又至杖林令摩揭陀
主頻毗娑羅王住於見諦并度八十百千諸
來天衆無量百千摩揭陀國婆羅門等次至
王舍城受竹林精舍亦與身子目連出家受
具次往室羅伐城受逝多林給孤獨園次至

憍薩羅說少年經令勝光王得見諦已住逝
多林

時勝光王遣使持書往淨飯王所白言大王
王今慶喜太子已證無上正覺亦令有情同
飡甘露今現住在逝多林中時淨飯王聞此
信已以手支頰懷憂而歎往日一切義成太
子修苦行時我常遣使問其安不使者尋還
報我住處比令使問竟無一還今者云來逝
多林內其事如何

時大臣鄔陁夷前詣王所便白王曰大王何
故以手支頰懷憂而住王曰我今豈得不懷
憂耶往日一切義成太子修苦行時我常遣

使問其安，不使者尋還報我任處。比今使問，竟無一還。今有信云：一切義成，太子證無上正覺，亦令有情同飡甘露來逝。多林寧不憂也。時鄔陁夷即白王曰：若如是者，臣爲使去。持信還歸。王曰：卿今去矣，還於彼任，亦不歸來。鄔陁夷曰：奉大王命，臣必重來。時淨飯王

自裁書曰

始從受胎後

我養於世尊

煩惱火恒燒

常希最勝樹

今既長成已

徒衆數無邊

餘人受安樂

惟吾獨辛苦

書了，印訖，與鄔陁夷持。王勅書往室羅伐至世尊所，奉上勅書。世尊受書，便自

披讀時鄔陁夷白世尊曰世尊能向劫比羅城不

佛告鄔陁夷我共汝去時鄔陁夷憶昔太子踰城出家父王頻召竟不還國重白佛言必若世尊不肯歸者我今有力自強將去尔時世尊聞斯語已即說伽他報鄔陁夷曰

生死愛網若全除
世尊威力無處所
生死愛網若全除
世尊境界無處所

此即誠無將導者
汝何方便能將去
此即將無金導者
汝何方便能將去

根本說一切有部毗奈耶卷第十七

去

暴曬

反上蒲木
反下蒲木
反所賣
反報

瀑長

反上蒲
反上聲
反報

反

綏按

反同

力結

反

邁

反莫
反敗

啞

反上烏
反沒

春擣

反上詩
反下容

反

果炒

反楚
反巧

聊

反郎
反彫

肘梯

反下他
反方柳

捺

反察音
反祠

反

二字

音

篋

反上必
反迷

杭粳

反二庚
反同

坐

反七到

反

詞似

音

杓

反下時
反約

希望

反下音

漬

反在智

反

吾結

反

姪

反上女
反解

酷罰

反上音

笱

反其

反

反

牧

反音

糜

反密

碑

反

疰

反

